



Հանրության իրազեկվածությունը Հայաստանում կենսաթոշակային բարեփոխումների մասին. ԱՄՆ ՄՁԳ-ի կողմից ֆինանսավորված ելակետային հետազոտությունը կնպաստի հանրության իրազեկման արդյունավետ ռազմավարությանը

ԵՐԵՎԱՆ, 20/06/11, 12:00. Այսօր ԱՄՆ ՄՁԳ կենսաթոշակային և աշխատաշուկայի բարեփոխումների ծրագիրը (ԿԱԲԾ) «ԱՄ Փարթնրոգ Քոնսալթինգ Քամփնի» խորհրդատվական ընկերության հետ համատեղ ներկայացրեց Հայաստանում կենսաթոշակային բարեփոխումների մասին հանրության իրազեկվածության ելակետային հետազոտության արդյունքները: «Արմենիա Մարիոթ» հյուրանոցում տեղի ունեցած միջոցառմանը ներկա էին ՀՀ կառավարության, հասարակական և միջազգային կազմակերպությունների ներկայացուցիչներ:

Հայաստանում գործող բաշխողական կենսաթոշակային համակարգը ֆինանսապես անկայուն է, որտեղ բացակայում է հիմնավոր կապը համակարգին կատարած վճարումների և ապագա կենսաթոշակային եկամտի միջև: Սա լուրջ հակախթան է գործող համակարգին քաղաքացիների միանալու համար: Այս խնդրի լուծման նպատակով Հայաստանի կառավարությունը ձեռնամուխ է եղել կենսաթոշակային համակարգի բարեփոխմանը՝ ներդնելով կամավոր և պարտադիր կուտակային բաղադրիչները, որպեսզի համակարգը դառնա ֆինանսապես կայուն և ապահովի եկամուտների համապատասխան մակարդակ՝ կենսաթոշակի անցնելիս: Բարեփոխման գործընթացը պահանջում է շարքային քաղաքացիների և տնտեսվարող սուբյեկտների մտածելակերպի, վերաբերմունքի և վարքագծի արմատական փոփոխություններ, որին ՀՀ կառավարությունը նախատեսում է հասնել հանրային իրազեկման և կրթության քարոզարշավի միջոցով:

ՀՀ կառավարության ջանքերին աջակցելու նպատակով ԱՄՆ ՄՁԳ ԿԱԲԾ-ն պայմանագիր է կնքել «ԱՄ Փարթնրոգ Քոնսալթինգ Քամփնի» խորհրդատվական ընկերության հետ, որը մշակել և ՀՀ 16 և բարձր տարիքի գյուղաբնակ և քաղաքաբնակ 992 քաղաքացիների շրջանում անց է կացրել հետազոտություն: Վերջինս քաղաքականություն մշակողներին թույլ կտա առավել արդյունավետ և հասցեական կազմակերպել հանրային իրազեկման քարոզարշավը, միաժամանակ բարձրացնելով հասարակության ֆինանսական գրագիտության մակարդակը:

Հետազոտությունը պատասխանում է այնպիսի առանցքային հարցերի, ինչպիսիք են՝ կենսաթոշակային ներկա համակարգի և առաջիկա բարեփոխումների վերաբերյալ հանրության տեղեկացվածությունը և վերաբերմունքը, կենսաթոշակների վերաբերյալ մտահոգությունն ու հարցվածների տեղեկատվության ստացման աղբյուրները: Ըստ հետազոտության, հարցվածների միայն 46%-ն էր ծանոթ գործող կենսաթոշակային համակարգին և նրանցից ընդամենը 27%-ը գիտեր, որ գործող համակարգը բաշխողական է: Հարցվածների ընդամենը 0.9%-ը գիտեր գործատուի և աշխատողների կողմից




կատարվող սոցիալական և աշխատանքի ճիշտ չափը: Հարցվածների 36%-ը լսել էր կենսաթոշակային բարեփոխումների մասին, իսկ 39%-ը պատրաստակամություն էր հայտնել միանալու կամավոր կուտակային կենսաթոշակային բաղադրիչին: Որպես տեղեկատվության նախընտրելի աղբյուր՝ հեռուստատեսությունը ստացել էր ձայների մեծամասնությունը (90%-ից քիչ ավել), որին հաջորդում էին թերթերն ու ամսագրերը (19-21%), և վերջում՝ հարազատներն ու ծանոթները (հարցվածների 14-19%-ը):


###

ԿԱԲԾ-ի մասին. ԿԱԲԾ-ն ԱՄՆ ՄԶԳ-ի հիմնական ծրագիրն է, որի նպատակն է աջակցել անհատներին, տնային տնտեսություններին և համայնքներին՝ առավել արդյունավետորեն կառավարելու սոցիալական ռիսկերը կամ կարիքները, օժանդակություն տրամադրելու զբաղվածների և գործազուրկների խոցելի խմբերին (մասնավորապես՝ սահմանափակ հմտություններ ունեցողներին, կանայնց և հաշմանդամություն ունեցող անձանց), և ավելի մեծ ուշադրություն հատկացնել համընդհանուր տնտեսական ճգնաժամի հետևանքների հաղթահարմանը: ԱՄՆ ՄԶԳ ԿԱԲԾ-ն տեխնիկական օժանդակություն և աջակցություն է տրամադրում մարդկային և ինստիտուցիոնալ կարողությունների զարգացման նպատակով և կենտրոնացած է սոցիալական պաշտպանության երկու առանցքային ոլորտների՝ կենսաթոշակային և աշխատաշուկայի բարեփոխումների իրականացման և վրա:


Գործող կենսաթոշակային համակարգին ԻՐԵՆՑ ԾԱՆՈԹ ԵՆ
ՀԱՄԱՐՈՒՄ հարցվածների...




Այն, որ գործող կենսաթոշակային համակարգը
ԲԱՇԽՈՂԱԿԱՆ է՝ գիտեն հարցվածների...




Հարցվածների ընկալմամբ, գործող կենսաթոշակային
համակարգի թիվ 1 խնդիրը կենսաթոշակների ՑԱԾԲ
ՄԱԿԱՐԴԱԿՆ է: Այդպես են կարծում հարցվածների...




Կենսաթոշակային ԲԱՐԵՓՈՒՈՒՄՆԵՐԻ ՄԱՍԻՆ ԼՍԵԼ ԵՆ հարցվածների...



ԿՈՒՏԱԿԱՑԻՆ կենսաթոշակային համակարգի ՄԱՍԻՆ ԼՍԵԼ ԵՆ հարցվածների...



Հարցվածների վերաբերմունքը կենսաթոշակային համակարգի բարեփոխումներին



- ▶ **Կենսաթոշակային բարեփոխումների մասին ավելի տեղյակ են՝**
 - ▶ **Ըստ սեռի՝ տղամարդիկ**
 - ▶ **Ըստ տարիքի՝ նախակենսաթոշակային տարիքային խումբը (41-62 տ)**
 - ▶ **Ըստ կրթական մակարդակի՝ ավելի բարձր կրթական մակարդակ ունեցողները**
 - ▶ **Ըստ բնակության վայրի՝ Երեւանի բնակչությունը**

- ▶ **Կենսաթոշակային բարեփոխումներին ավելի կողմ են՝**
 - ▶ **Ըստ սեռի՝ տղամարդիկ**
 - ▶ **Ըստ տարիքի՝ ավելի երիտասարդները**
 - ▶ **Ըստ կրթական մակարդակի՝ ավելի բարձր կրթական մակարդակ ունեցողները**
 - ▶ **Ըստ բնակության վայրի՝ գյուղերի բնակչությունը**

- ▶ **Կամավոր կուտակային կենսաթոշակային համակարգին միանալու հարցում ավելի պատրաստակամ են՝**
 - ▶ **Ըստ սեռի՝ տղամարդիկ եւ կանայք՝ առանց տարբերության**
 - ▶ **Ըստ տարիքի՝ ավելի երիտասարդները**
 - ▶ **Ըստ կրթական մակարդակի՝ առանց տարբերության**
 - ▶ **Ըստ բնակության վայրի՝ գյուղերի բնակչությունը**